

Stáhtaráði ášahus

buressbirgenguovlluid ovttasbargosoahpamuša sisdoalus ja válmastallamis

Stáhtaráði mearrádusa mielde mearriduvvo sosiála- ja dearvvašvuoda fuolahusa ordnemis addojuvvon lága (612/2021) 36 § 5 momeantta ja 37 § 5 momeantta vuodul:

1 §

Buresbirgenguovlluid ovttasbargosoahpamuša ráhkadeapmi ja ollahuhttin

Dasa lassin, maid sosiála- ja dearvvašvuoda fuolahusa ordnemis addojuvvon lágain (612/2021), maŋgel ordnenláhka, ja dán ášahusas mearriduvvo buressbirgenguovlluid ovttasbargosoahpamušas, ovttasbargosoahpamuša ráhkadettiin galgá váldojuvvot vuhtii, mii das mearriduvvo:

- 1) dearvvašvuoda fuolahánlágas (1326/2010);
- 2) sosiála- ja dearvvašvuoda fuolahusa sihke gádjundoaimma ordnemis Uusimaas addojuvvon lágas (615/2021);
- 3) sosiála- ja dearvvašvuoda fuolahusa ja gádjundoaimma ođastusa ollahuhttimis ja dan láhkaásaheami fápmuibidjamis addojuvvon lágas (616/2021).

Dárbu nuppástuhttit buressbirgenguovlluid ovttasbargosoahpamuša galgá árvvoštallojuvvot ankke, juos sosiála- ja dearvvašvuoda fuolahusa riikkaviidosas ulbmilat rievdaduvvojit.

Dohkkehuvvon ovttasbargosoahpamuš galgá doaimmahuvvot sosiála- ja dearvvašvuotami-nisterijai mánu siste dan fápmuiboahtimis.

2 §

Hárve dárbblaš dehe earenoamáš gáibideaddji sosiála- ja dearvvašvuoda fuolahus

Ordnenlága 36 § 3 momeantta 6 čuoggás dárkkuhuvvon hárve dárbblaš dehe earenoamáš gáibideaddji sosiála- ja dearvvašvuoda fuolahusa barggut ja bálvalusat, main ovttasbargosoahpamušas galget sohppojuvvot, leat ankke:

- 1) eanet gáibideaddji mánáidsuodjalusa ja eará mánáid, nuoraid dehe bearrašiid gáibideaddji-mus bálvalusaide gullelaš vuogálaš sosiálafuolahusa sihkkarastin;
- 2) eanet gáibideaddji mánggaámmátlaš máhtu ja ovttasbarggu eaktudan lápmásiid bálvalusat;
- 3) mielladearvvašvuotalága (1116/1990) 19 §:s dárkkuhuvvon rihkkosis sivahuvvon ja 22 § 3 momeanttas dárkkuhuvvon ránggáštussii dubmekeahtá guđđojuvvon bázahallan olbmo sier-fuolahus su dáhtus fuolakeahtá;
- 4) earenoamáš gáibideaddji orrunbálvalusaid gáibidan áššedovdidoarjaga ja máhtu sihkkaras-tin.

Universitehtalaš buohcceviesu bajásdoalli buressbirgenguovllus lea ovddasvástádus ovttas-bargosoahpamuša válmastallama ja ollahuhttima koordinašuvnnas 1 momeanttas dárkku-huvvon áššiin.

3 §

Skuvlen-, dutkan-, ovdánahttin- ja innovašuvdnadoaimma oktiiheiveheapmi

Dasa lassin, mii ordnenlága 36 § 3 momeantta 7 čuoggás mearriduvvo, ovttasbargosoahpamušas galgá dárkkuhuvvon strategalaš plána namuhuvvon čuoggás ja dan ollahuhttima oassin sohppojuvvot:

1) ovttasbargoguovlluid buresbirgenguovlluid skuvlen-, dutkan-, ovdánahttin- ja innovašuvdnadoaimma ja dan ollahuhttinráhkadusaid ulbmiliid oktiiheiveheamis, ovttasbarggus ja bargujuogus doaimma sisdoalus ja dan ollahuhttinráhkadusain sihke doaimma oktiiheiveheamis, mii doarju oba ovttasbargoguovllu ollisvuohtan, vuhtii válddedettiin sosiála- ja dearvvašvuoda fuolahusa riikkaviidosaš ulbmiliid;

2) ovttasbargoguovlluin doaibmi sosiálasuorggi máhttguovddášdoaimmas addojuvvon lágas (1230/2001) dárkkuhuvvon sosiálasuorggi máhttguovddášiid doaimma ja ulbmiliid oktiiheiveheamis ollisvuohtan, mii doarju oba ovttasbargoguovllu ja buresbirgenguovllu;

3) meannudanvugiin, maiguin stivrejuvvo buresbirgenguovllu bargguid dutkamuša sihke dutkanbohtosiiguin ávkástallama ovttasbargoguovllu buresbirgenguovllu doibmii;

4) vugiin, maiguin duddjojuvvojit eavttut ovttasbargoguovllu buresbirgenguovlluid ja ovttasbargoguovllus skuvlen-, dutkan-, ovdánahttin- ja innovašuvdnadoaimma bargi beliiguin ovttasbargui sihke oktasaš máhttin dárbbuid árvvoštallamii ja noahkumii.

Ovttasbargosoahpamušas galgá dasa lassin sohppojuvvot universitehtalaš buohcceviesu bajásdoalli buresbirgenguovllu bargguin ovttasbargoguovllu buresbirgenguovlluid gaskavuoda bargujuogu koordinašuvnnas, stivremis ja neavvumis 1 momeantta 1 ja 3 čuoggáin dárkkuhuvvon bargguin.

Davvi-Suoma ovttasbargoguovllu buresbirgenguovllut galget soahpat ovttasbarggus sáme-gielalaš sosiála- ja dearvvašvuohtafuolahusa bálvalusaid ovdánahttimis vuhtii válddedettiin ordnenlága 33 §:s dárkkuhuvvon Sámi (Lappi) buresbirgenguovllu riikkaviidosaš ovdánahttinbargu sihke sosiálasuorggi máhttguovddášdoaimmas addojuvvon stáhtarádi ásašusa (1411/2001) 4 § 1 momeantta 2 čuoggás dárkkuhuvvon barggut.

Guovttegielalaš buresbirgenguovllut galget soahpat ovttasbarggus ruotagielaš sosiála- ja dearvvašvuohtafuolahusa bálvalusaid ovdánahttimis vuhtii válddedettiin ordnenlága 33 §:s dárkkuhuvvon Oarje-Uusimaa buresbirgenguovllu riikkaviidosaš ovdánahttinbargu sihke sosiálasuorggi máhttguovddášdoaimmas addojuvvon stáhtarádi ásašusa 1 § 2 momeanttas dárkkuhuvvon ruotagielaš sosiálasuorggi máhttguovddáša barggut.

4 §

Ovttasbargu elektrovnnalaš bálvalusain ja diehtovuogádagain

Dasa lassin, mii ordnenlága 36 § 3 momeantta 9 čuoggás mearriduvvo, ovttasbargosoahpamušas galgá sohppojuvvot dain sosiála- ja dearvvašvuoda fuolahusa elektrovnnalaš bálvalusain sihke diehtovuogádagain, mat adnojuvvot áššehas- ja buohcciiddieduid giedahallamis, ja maid ovdánahttimis ja geavahas ovttasbargojuvvo. Ovttasbargosoahpamušas galgá dasa lassin sohppojuvvot almmolaš hálldahusa addojuvvon lága (906/2019) 5 § oktiiheiveheamis diehtohálldahanmálla sihke namuhuvvon lága 12 – 17 §:s dárkkuhuvvon diehtodorvolašvuoda doaimbajuvvot mielde.

5 §

Heađuštusdiliide ja spiehkastatdiliide ovddaldastin sihke sosiála- ja dearvvašvuota fuolahusa válmmasvuotaگوovddáža doaimma ordnen

Ovttasbargosoahpamuša galgá sohppojuvvot sosiála- ja dearvvašvuota fuolahusa ovddaldastima ja válmmasvuota oasil:

1) buresbirgenguovlluid oktilis válmmasvuotaoplánemis universiteahtalaš buohcceviesu bajásdoalli buresbirgenguovllu ja HUS-ovttastumi stivrema mielde;

2) buresbirgenguovlluid sosiála ja dearvvašvuota fuolahusa resurssaid geavaheamis, stivremis ja jodiheamis ovttas buresbirgenguovllu návccaid badjelmanni heađuštusdiliin dehe spiehkastatdiliin;

3) ovttasbargoguovllu sosiála- ja dearvvašvuota fuolahusa válmmasvuota ja ovddaldastima stivrejeaddji joavkku vuodđudeamis ja doaimmas;

4) ordnenlága 51 §:s dárkkuhuvvon sosiála- ja dearvvašvuota fuolahusa válmmasvuotaگوovddáža ráhkadusain ja doaibmavugiin dađi lági mielde, ahte válmmasvuotaگوovddážat doibmet riikkaviidosaččat oktilis vuogi mielde ja sáhttet dárbbu mielde doarjut dehe buhttet eará ovttasbargoguovlluid válmmasvuotaگوovddážiid bargguid.

Buresbirgenguovlluid válmmasvuota oplánemis ja válmmasvuotaoplánaid sisdoalus mearriduvvo buresbirgenguovlluid ovddaldastimis sosiála- ja dearvvašvuota fuolahusa heađuštusdiliide addojuvvon stáhtaráđi ásašus (308/2023).

Visot ovttasbargoguovllu buresbirgenguovllut servet válmmasvuotaگوovddáža stivremii dađi lági mielde go ovttasbargosoahpamušas sohppojuvvo.

Ovttasbargosoahpamuš válmmastallojuvvo dán paragrafas dárkkuhuvvon paragrafaid bargguid oasil ovttasráđiid sosiála- ja dearvvašvuotaaministerijain dađi lági mielde, ahte ovttasbargosoahpamušat vuodđuduvvet riikkaviidosaččat oktilis prinsihpaide ja ráhkadit riikkaviidosaččat oktilis sosiála- ja dearvvašvuota fuolahusa válmmasvuota ja ovddaldastima ollisvuota.

6 §

Helssega gávpoga ja HUS-ovttastumi barggut

Ovddabealde 2 § 2 momeanttas ja 3 § 2 momeanttas universiteahtalaš buohcceviesu bajásdalli buresbirgenguvlui čujuhuvvon bargguid dikšot Lulli-Suoma ovttasbargoguovllus Helssega gávpot ja HUS-ovttastumi ovttas dadi lági mielde, ahte HUS-ovttastumi ovddasvástádus lea sosiála- ja dearvvašvuoda fuolahusa sihke gádjundoaimma ordnemis Uusimaas addojuvvon lága 5 § ja 7 § vuodul ordnenovddasvástádusas mielde dearvvašvuoda fuolahusa gullelaš barguin.

7 §

Fápmuiboahhtin

Dát ásašus boahhtá fápmui suoidnemánu 1 beaivve 2023.

Helssegis 2.3.2023

Sosiála- ja dearvvašvuodaministtar Hanna Sarkkinen

Ráddehusráddi Erkki Papunen